



Du was kybg di gute
Di reine stet gemute
In deine lebene achte iar
Du quā an si des todis var
Vn den surē got des gezam
Daz her si van der werlde nam
Vn si in sin riche intsing
Du irende hi iring
Du willchalm di mere
Vn daz kyburg were
Tot daz dagether harte
Sicht lang' her du sparte
Hern gige vor den appit hūn
Vn sprach lūb herre ich vñ
Besiverit so mit leiden
Daz ich muz hinnē scheide
Mich sol me nūmer man ge sehe

B ruder war ist v geschehen
daz rucht mich wizzen lan
hat ich imā icht getan
der muz varn vā hinnē
O der vwern gruz gewinnē
Stein vil liber herre
horit was mir andirs werre
Min libiz wip di ist tot
di vil dicke groze not
Dorch minē willē hat urlidē
Der appit begüte en du bide
daz her bekerte sinē müt
Iz induchte en nicht wese gut
her sprach ich en blibe nicht
Swaz dar vme mir geschicht

Ich wil uā hinnē scheiden
Ich getruwe wol in beiden
Gote vñ d' libē müt sin
Daz mir wde ir helfe schin
Vn bescherit mir di lip nar
Ich in weiz nicht rechte war
Sich min gemute kerit
Ich weiz wol daz mich lerit
Der geschuf den anevāg vñ daz drum
daz ich schire da hin kum
dar mi lip bliwen sol
Der wiste war ich leides dol
Der wizze mir nicht daz ich bin
Dorch trūre wordē aue sin
Sint min lip ist tot gelegen
So iwil ich nicht wa leides pflegen
O we kyburg owe mir
van dime tote sterlich vir
Ich bin itzū an vroden tot
So mir dan des todis not
Den lip hi irsterbit
De tot han ich geerbit
Van dime tote reinz wip
Owe daz mir nicht der lip
Van dime leide irsterbit
Dim tot an mir ir wirbit
daz ich mich wil gar begeben
allis des der lip sol leben
vische kese vñ brot
daz gebütit mir din leid tot
Ich wil den lip vā nichte nern
wan daz mir kā gor bescherit
Ich wil van den luten wesen
Bir mich got lat genesen
Des hat sich min lip bewegen
Meist gebr mir vwen segen
Mon lat mich vā hinen varn
Got muze vch alle wol bewarn
Ich in weiz nicht war ich wil
Got weiz barz dan ich daz cil